

Binuhatan 6:8-15

MATUTOM SA MGA GAGMAY NGA BUTANG... (3 KA BUTANG)

- **1st - Si ESTEBAN MAAYO NGA MANUG SERBE/ WAITER ... vs. 8**
 - 1st - Si Esteban naga serbe sang matutom sang pagkaon sa mga balo sa simbahan.
 - Wala siya nag reklamo pero gingamit ang talento nga ginhatag sang Dios sap ag-alagad..
 - Ang Ginoo naghatag sa isa isa sa aton sang talent/abilidad...
 - Mga abilidad nga kasagad sa imo- basi sa music, sa luto kag panguma...
 - Indi kita makapili sang mga regalo-ginahatag ini sang Dios sa aton - **Roma 12:6**
 - Kalabanan ginagamit naton sa aton lang kaugalingon-ginahatag ini para sa Ginoo!
 - May isa ka babayi nga sagad siya magsaot-gingamit niya sa mga fiesta...
 - Gingamit niya ang regalo pero indi sa pagdayaw sa Ginoo!
 - Sa **Mateo 25:14-30** – Palaangiran sang Suluguon nga ginhatagan regalo...
 - Ang 1st nga suluguon ginhatagn Niya sang 5 ka libo- pagbalik 5 man ka libo ang saka
 - Ang 2nd nga suluguon ginhatagan sang 2 ka libo-pagbalik 2 man ka libo ang saka
 - Ang 3rd nga suluguon ginhatagan 1 ka libo-ginlubong niya ini sa duta!
 - Nagbalik ang agalon sa sa pagsuma sa ila kwarta nga iya ginpa negosyo...
 - Ang 1 kag ika 2 nga suluguon-siling sang Agalaon-‘Maayo kag masaligan nga suluguon’
 - Matutom sila sa mga gagmay nga mga butang-bisan daw indi importante...
 - Indi bali kun ano kag pila ang ila kwarta-gingamit nila sa Ginoo...
 - **Basi ma iritar ka sa kabuhi-nga ang imo nahimo indi importante...**
 - **Zecharias 4:10** – “May mga tawo nga nagayaguta tungod diutay pa lang ang nahimo sa pagpatindog sang templo. Pero magakalipay sila kon makita nila nga ginabutang na ni Zerubabel ang katapusan kag pinili nga bato sang templo.”
 - **Tanan kita nagasugod sa gagmay nga mga butang nga daw indi importante...**
 - **Basi ara ka lang sa imo balay naga atipan sang mga bata...**
 - **Kay daw indi naton makita nga importante ina sa Ginharian sang Dios!**
 - Kag ang ika tatlo nga suluguon...
 - Ang Ginoo naghukom sa iya kay kabalo siya sang ginsugo sang Dios sa iya...
 - Pero wala niya gingamit ang kwarta nga ginhatag sa iya...
 - Basi naakig siya kay gamay ang ginhatag sa iya sang sa iban nga suluguon...
 - **Ang Ginoo nagahatag sang lain lain klase nga regalo sang Iya mga bata...**
 - **Kita ya naga kompara sang regalo-ngaa akon ya 1 lang ila ya 5!**
 - **Indi importante kun ano/pila ang regalo-ang importante gin-ano mo ang regalo!**
 - Imbis nga mangin responsable -naghatag pa balibad!
 - **Gintawag kita ni Jesus nga mag gamit sang regalo nga aton nabaton para sa Iya...**
 - **Kun wala naton nagamit sa Iya-nagapangita kita balibad...**
 - **Ginoo sako gid ko-may obra/tiangge/talamnan wala gid tiempo a...**
 - **Sa katapusan balibad lang ina tanan-kabalo kita sang Pulong sang Dios...**
 - Sa pila ka adlaw ma tindog kita sa atubang ni Jesus...

- **2 Corinto 5:10** – “Kay kita tanan kinahanglan gid nga mag-atubang kay Cristo *sa ulihi nga mga inadlaw* agod hukman niya. Kag ang tagsa-tagsa sa aton magabaton sang balos suno sa aton hinimuan, maayo ukon malain man, sang nagakabuhi pa kita diri sa kalibutan.”

- Kun magbalik si Jesus sa Iya simbahan sukton kita sa aton mga ginhimo...

- Ano ang imo ginhimo sa regalo nga ginhatag sang Dios sa imo!

o 3rd - Si Esteban nakatuon paagi sa pag-alagad sang matutom sa gagmay nga mga butang...

- Mapainubuson siya-bugal niya ang nga nangin waiter/serbe pagkaon/trapo lamesa...

- Si Esteban wala nag-untat-padayon kag mapisan ang iya pag-alagad...

- Damo ang nagahambal nga mag-alagad sa Dios...

- Pero indi gani magkapyot silhig kag maghugas pinggan...

- Nagapalayo kay para sa ila kanubo nga posisyon ang manilhig...

- Basi nagsugod sila pero wala nagpadayon kay indi na importante para sa ila...

- May duha ka batasan sang tawo ang ginagamit sang Dios...

- Pagpaubos – indi parti sa ila kay ini parti tanan kay Jesus...

- Kag wala sila naga utat-nagapadayon sila-indi pagbuy-i si Jesus kapyot tudo!

- **Juan 15:4-5** – “Magpabilin kamo sa akon, kag magapabilin man ako sa inyo. Pareho nga ang sanga indi makapamunga sa iya lang kaugalingon, luwas kon magpabilin ini sa sanga, amo man kamo sina, indi kamo makapamunga^[a] kon indi kamo magpabilin sa akon... Ang tawo nga nagapabilin sa akon kag nagapabilin man ako sa iya, siya amo ang magapamunga sing madamo, kay kon wala ako sa inyo wala gid kamo sing may mahimo.”

- Gani ang gagmay nga mga butang importante-preparasyon ini/training...

- Gusto naton magtuno kita/gamiton kita-subong dayon...

- Ang Ginoo wala gadali-kinanglan tion sa pag preparar sang Ginoo...

- Nagtanom ka sang liso-indi nga mamunga dayon pagkaaga...

- Ang namit nga bunga sang prutas -ang maluto gid sa puno...

- Bisan si Jesus 30 ka tuig antis nagsugod sang iya pag-alagad sa publiko!

- Himuon ko ikaw nga pangulo sa damo nga mga butang...

- Kay si Esteban matutom- isa siya ka tawo nga puno grasya kag gahom sang Dios

- o Nakahimo siya sang ma milagro sa mga tawo...

- o Wala sang Dios gingamit si Esteban sang una nga adlaw nga nagtrapo siya lamesa

- o Dugay lang nga panrapo iya kag pag serbe sang pagkaon...

- o Pero kay siya matutom-ginpakita niya nga kasarang siya sang dalagko nga butang

- o Ang Ginoo nagdugan sang mga butang paagi sa iya kabuhi...

- Wala kita natagaan gulpi sang damo nga responsibilidad...

- o Kun matutom kita sa gagmay -ang Ginoo nagahatag dugang nga responsibilidad...

- o Basi ang una mo nga pag-alagad sa simbahan nagahaboy ka basura...

- o Kay permi ka sa simbahan kag matutom ka dason ikaw na nag Bible study!

- o Kun matutom kita sa gagmay nga butang ang Ginoo gahatag dalagko nga responsibilidad...

● **2ND –MAGTINDOG PARA KAY JESUS... VS. 9-14**

- o 1st - Ang iban nga mga tawo nga nagkontra kay Esteban... vs. 9
 - Ang simbahan sang 'Ginhimway sa Pagkaulipon'-mga suluguon sa Roma...
 - Halin sila sa Egipto/Asia kag sa Europa...
 - Mga Judio sila tanan nga nakatuon sang panginawi sang mga Grieyigo...
 - Si Esteban halin sa Grieyigo nga pangkabuhi-siya nag-alagad sa mga Grieyigo nga mga balo sa simbahan...
 - Para sa ila kontra si Esteban-kay nagasugid siya kay Jesus bisan kay sin-o...
 - Wala problema si Esteban mag alagad sa mga Grieyigo nga mga balo..
 - Wala siya problema magbulig sang mga nagahambal Grieyigo nga mga Judio...
 - **1 Corinto 9:22** – “Nagapakigbagay ako sa tanan bisan ano ang ila kahimtangan.”
 - Dapat mangin handa kita sa pagbulig sa iban para kay Jesus...
 - Basi sa mga Katoliko-mangin Katoliko ka man-sa mga Baptist-ma Baptist ka man...
 - Kun ang iban indi namian maglakat sa simbahan-kadtuan kun diin man sila!
 - Damo ang naga isol kun relihiyon na gani ang istoryahan tungod sa mga 'bawal'
 - Hadlukan sila magpalapit kay basi kadlawan lang sila -gani mapalayo nalang sila...
 - Basi indi sila magpalapit sa aton-gani responsibilidad naton nga magkadto sa ila...
 - Kun ara sila sa tyange-kadtuan man naton sila...
 - Kinahanglan pakigbagayan naton sila para matagaan naton sila Ginoo!
- o 2nd - Ang mga Judio indi makadaog sang kaalam ni Esteban kay halin ini sa Espiritu Santo... vs. 10
 - Dumdumon naton nga isa lang sa ka WAITER-naga serbe pagkaon-indi manugwali...
 - Indi maka lalis ang mga Judio sa iya kay puno siya sang Balaan nga Espiritu!
 - **Mateo 10:19-20** – “Kon imbistigaron na kamo, indi kamo magpalibog kon ano ang inyo ihambal, kag kon paano kamo magsabat. Ang *Espiritu Santo* amo ang magatudlo sa inyo kon ano ang inyo isabat.”²⁰ Gani ang inyo ihambal indi inyo kundi iya sang Espiritu nga halin sa inyo Amay. Siya ang magahambal paagi sa inyo.”
 - Basi nahuya kita magpanugid kay Jesus-hadlukan kun ano hambal sang tawo...
 - Pero indi kita maglakat sa aton kusog-kundi sa gahom sang Espiritu...
 - Indi ang aton pulong ang kinahanglan sang tawo kundi ang Pulong sang Dios...
 - Indi magproblema sang imo ihambal-abrihi lang imo baba-ang Ginoo lang mahambal sa imo!
- o 3rd –Ang mga Judio nagsuhol sa pagbutig batok kay Esteban... vs. 11-14
 - Ginsutsot nila ang mga tawo-kag gindali dali dakop si Esteban...
 - Gindala si Esteban sa konseho kag ginhimuan duha ka akusasyon...
 - Gin akusahan nila nga si Esteban nagatudlo nga si Jesus mag guba sang Templo...
 - Si Esteban nagsulit sang ginhambal ni Jesus nga igubaon Niya ang Templo...
 - **Juan 2:19-21** – “Nagsabat si Jesus, “Gub-a ninyo ang templo nga ini kag sa sulod sang tatlo ka adlaw patindugon ko liwat... Pero *wala sila nakaintiendi, kay ang ginatumod ni Jesus nga templo amo ang iya lawas.*”
 - Kay si Jesus nanugid sang mga sumulunod nga gub-on niya ang templo...
 - **Mateo 24:2** – Nagsiling si Jesus sa ila, “Tan-awa ninyo ini tanan. Sa pagkamatuod, magakalaguba ini kag wala gid sing may mabilin nga mga bato nga nagasalampaw.”

- Gin akusahan man siya sang panudlo nga bag-ohon ni Jesus ang Layi ni Moises...
 - **Mateo 5:17-18** – “Indi kamo maghunahuna nga nagkadto ako diri sa pagbaliwala sang Kasuguan *ni Moises* kag sang mga *sinulatan sang mga* propeta. Nagkadto ako diri sa pagtuman sini. ¹⁸ Sa pagkamatuod, samtang ara pa ang langit kag ang duta, wala gid sing bisan gamay nga bahin sang Kasuguan nga mabaliwala hasta wala pa matuman ang tanan.”
 - Ginpang tiko nila ang mga ginhambal ni Esteban-kag gingamit batok sa iya...
 - Kun magtindog kita kay Jesus-ang kalibutan matinguha mag guba sa imo...
 - Ang kalibutan naugot kay Jesus kay ginatandog ang ila sala kag pagkamatarong...
 - **Juan 15:18** – “Kon ginadumtan kamo sang *mga tawo sang kalibutan, indi kamo dapat matingala tungod kay* nahibaluan ninyo nga ako amo ang una nila nga ginadumtan.”
 - Kun gasunod kita kay Jesus indi sa kalibutan-mas kaugtan kag kadlawan ka...
- o 3rd – Ang reaksiyon ni Esteban... vs. 15
 - Wala nagtinguha si Esteban nga magsabat sa ila mga akusasyon sa pagdependa...
 - **Roma 12:19** – “Mga hinigugma, indi gid kamo magtimalos; pabay-i ang *Ginoo nga magsilot sa ila sa iya* kaakig. Kay nagasiling ang Ginoo sa Kasulatan, “Ako ang magatimalos; ako ang magsilot *sa ila*.”
 - Ang mga tawo mahambal malain sa aton-butigan kita para malain ang aton ngalan...
 - Dependehan naton aton kaugalingon para mag-untat sila...
 - Pero dason tapos na ang isa may ara naman nga bag-o!
 - Indi kita mag sapak kun may mag himo nga binutig batok sa aton...
 - Kay ma usik lang ang aton tion kag kusog-nga dapat gamiton para sa Dios!
 - Kun tuod gid man-dapat maghinulsol kun indi-ang pinsar sang tawo indi importante
 - Kabalo ang Ginoo kun incente kita- ang Ginoo ang importante...
 - Ang guya ni Esteban nangin daw guya sang Anghel...
 - Nagsilak si Esteban nga daw sa Anghel-kay ang iya panulok sa Ginoo...
 - **2 Corinto 3:18** – “Mga hinigugma, indi gid kamo magtimalos; pabay-i ang *Ginoo nga magsilot sa ila sa iya* kaakig. Kay nagasiling ang Ginoo sa Kasulatan, “Ako ang magatimalos; ako ang magsilot *sa ila*.”
 - Kun magtulok kita kay Jesus-ma bag-o kita-makita ang gugma kag kasanag ni Jesus
 - Mangin suga kita nga nagapakita sa kalibutan sang paglaom ni Jesus!
 - Imbis nga dependehan iya kaugalingon-gingamit ini ni Esteban sa pagwali kay Jesus!